

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

Z A K L J U Č A K
o odbacivanju Prijave koncentracije
privrednog subjekta Amadeus IT Group S.A., Madrid, Kraljevina Španija

Sarajevo,
decembar, 2016. godine



Broj: 03-26-1-029-9-II/16
Sarajevo, 21.12.2016. godine

Konkurencijsko vijeće Bosne i Hercegovine je na osnovu člana 25. stav (1) tačka e), člana 42. stav (2), a u vezi s članom 12. Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije privrednog subjekta Amadeus IT Group S.A., c/Salvador de Madariaga 1, 28027 Madrid, Kraljevina Španija, podnesenoj po advokaticama Džani Smailagić-Hromić i Ezmani Turković, Marić & Co Advokatsko društvo, Mehmeda Spahe 26, 71000 Sarajevo, dana 15.08.2016. godine pod brojem: 03-26-1-029-II/16, na 136. (stotintridesetišestoj) sjednici održanoj dana 21.12.2016.godine, donijelo

ZAKLJUČAK

1. Odbacuje se Prijava koncentracije privrednog subjekta Amadeus IT Group S.A., c/Salvador de Madariaga 1, 28027 Madrid, Kraljevina Španija, radi nepostojanja koncentracije u smislu člana 12. stav (1) Zakona o konkurenciji.
2. Ovaj Zaključak biće objavljen u „Službenom glasniku BiH“, službenim glasilima entiteta i Brčko distrikta Bosne i Hercegovine.

Objasnenje

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 15.08.2016. godine pod brojem: 03-26-1-029-II/16, Prijavu koncentracije (u daljem tekstu: Prijava) privrednog subjekta Amadeus IT Group S.A., c/Salvador de Madariaga 1, 28027 Madrid, Kraljevina Španija, raniji naziv Amadeus IT Holding S.A. (u daljem tekstu: Amadeus Group ili Podnosilac prijave), podnesenu po advokaticama Džani Smailagić-Hromić i Ezmani Turković, Marić & Co Advokatsko društvo, Mehmeda Spahe 26, 71000 Sarajevo, kojom isti pripajanjem privrednog subjekta Amadeus IT Group S.A. c/Salvador de Madariaga 1, 28027 Madrid, Kraljevina Španija (u daljem tekstu: Amadeus IT) namjerava steći kontrolu nad privrednim subjektom Amadeus Bosna d.o.o. za marketing Sarajevo, ul. Karić Midhat-Mitke br. 1, 71000 Sarajevo, Bosna i Hercegovina (u daljem tekstu: Amadeus Bosna ili ciljano društvo).

Uvidom u podnesenu Prijavu, Konkurencijsko vijeće je utvrdilo da ista nije kompletna u smislu člana 30. stav (1) Zakona o konkurenciji („Službeni glasnik BiH“, broj 48/05, 76/07 i 80/09 (u daljem tekstu: Zakon) i čl. 9 i 11. Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10), te je od Podnosioca prijave zatražena dopuna iste (akt broj: 03-26-1-029-1-II/16 od dana 06.09.2016. godine).

Podnosilac Prijave je dostavio dio tražene dokumentacije, podneskom broj: 03-26-1-029-2-II/16 dana 15.09.2016. godine i ujedno zatražio produljenje roka za dodatnih 15 (petnaest) dana za dostavu ostatka dokumentacije.

Konkurencijsko vijeće je aktom broj: 03-26-1-029-3-II/16 od dana 19.09.2016. godine, u skladu sa članom 31. stav (2) Zakona, produljilo rok za dostavu tražene dokumentacije za dodatnih 15 (petnaest) dana.

Podnosilac Prijave je dostavio traženu dokumentaciju, podneskom broj: 03-26-1-029-4-II/16 dana 29.09.2016. godine.

Konkurencijsko vijeće je, u skladu sa članom 16. stav (4) Zakona o konkurenciji (u daljem tekstu: Zakon), dana 21.11.2016. godine, objavilo u dnevnim novinama Obavijest o dostavljenoj Prijavi (akt broj: 03-26-1-029-5-II/16), u kojoj su objavljeni podaci o koncentraciji, te su pozvane sve zainteresovane strane na dostavljanje pisanih komentara u vezi provođenja iste. U ostavljenom roku, Konkurencijsko vijeće nije zaprimilo niti jedan pisani komentar na ovu koncentraciju.

Konkurencijsko vijeće je izdalo Potvrdu o kompletnoj i urednoj prijavi, u smislu člana 30. stav (3) Zakona, aktom broj: 03-26-1-029-7-II/16 dana 13.12.2016. godine.

Konkurencijsko vijeće je u postupku ocjene dopuštenosti predmetne koncentracije utvrdilo slijedeće činjenice:

Prijava je podnesena u smislu člana 16. stav (1) Zakona.

Podnosilac prijave je u smislu člana 30. stav (2) Zakona, naveo da nije podnio, niti namjerava podnijeti zahtjev za ocjenu koncentracije tijelima ovlaštenim za ocjenu koncentracije izvan Bosne i Hercegovine.

Učesnici transakcije

Učesnici transakcije su privredni subjekti Amadeus IT Group S.A. (raniji naziv Amadeus IT Holding S.A.), c/Salvador de Madriaga 1, 28027 Madrid, Kraljevina Španija i Amadeus Bosna d.o.o. za marketing Sarajevo, ul. Karić Midhat-Mitke br. 1, 71000 Sarajevo, Bosna i Hercegovina.

1. Privredni subjekt Amadeus IT Group S.A., Podnositelj prijave

Privredni subjekt Amadeus IT Group S.A., c/Salvador de Madriaga 1, 28027 Madrid, Kraljevina Španija je registrovan pri Trgovačkom registru Madrida, tom 20.972, folija 82, sekcija 8., list broj: M-371.900, upis 1, sa fiskalnim identifikacionim brojem: A-84236934.

Privredni subjekt Amadeus Group je (..)**¹ privrednog subjekta Amadeus IT.

Privredni subjekt Amadeus IT je registrovan pri Trgovačkom registru Madrida, tom 21.552, knjiga 0, folija 142, sekcija 8., list broj: M-383.503, upis 10, sa fiskalnim identifikacionim brojem: A-84409408.

Privredni subjekt Amadeus IT je (..)** u Amadeus IT Group S.A.

Pretežne registrovane djelatnosti privrednog subjekta Amadeus Group su razvoj i rad automatizovanog sistema rezervacije i distribucije karata („Amadeus sistema“), sa sposobnošću obavljanja sveobuhvatnog informisanja, komunikacije, rezervacije, izdavanja karata i drugih srodnih funkcija na svjetskom nivou.

Podnosilac prijave na relevantnom tržištu Bosne i Hercegovine ne posjeduje više od 10,0% vlasničkih udjela u odnovnom kapitalu, odnosno 10,0% prava glasa u nekom privrednom subjektu, tj. nema registrovana povezana društva.

¹ (..)** - Podaci predstavljaju poslovnu tajnu, u smislu člana 38. Zakona o konkurenciji.

1.1. Privredni subjekt Amadeus Bosna d.o.o. za marketing Sarajevo (predmet transakcije)

Privredni subjekt Amadeus Bosna d.o.o. za marketing Sarajevo, ul. Karić Midhat-Mitke br. 1, 71000 Sarajevo, Bosna i Hercegovina je registrovan u Općinskom sudu u Sarajevu, pod matičnim brojem upisa: 65-01-0218-14 (stari broj: 1-23200), sa osnovnim kapitalom od 40.000,00 KM u vlasništvu privrednog subjekta Amadeus IT sa 100% udjela.

Pretežne registrovane djelatnosti privrednog subjekta Amadeus Bosna su obavljanje usluga marketinga i aktivnosti kojima se olakšava pristup i čini dostupnim Amadeus sistem putničkim agencijama koje se nalaze na teritoriji Bosne i Hercegovine.

Privredni subjekt Amadeus Bosna na relevantnom tržištu Bosne i Hercegovine ne posjeduje više od 10,0% vlasničkih udjela u osnovnom kapitalu, odnosno 10,0% prava glasa u nekom privrednom subjektu, tj. nema registrovana povezana društva.

2. Pravni odnos i pravni oblik transakcije

Pravni osnov transakcije je (..)** u Amadeus IT Group S.A.

Nakon provođenja transakcije, Podnosilac prijave će imati (..)**% udjela u privrednom subjektu Amadeus Bosna, samim tim i isključivu kontrolu nad istim.

3. Ocjena transakcije

Konkurencijsko vijeće je nakon procjene i analize relevantnih podataka utvrdilo da predmetna transakcija ne ispunjava uslove iz člana 12. stav (1) Zakona, obzirom da sudionici predmetne transakcije nisu neovisni privredni subjekti, nego ovisni. U suštini predmetna transakcija predstavlja samo promjenu većinskog vlasništva u privrednom subjektu Amadeus Bosna.

Slijedom navednog, privredni subjekt Amadeus Group nije bio u obavezi podnijeti Prijavu koncentracije, te je Konkurencijsko vijeće odlučilo kao u dispozitivu ovog Zaključka.

4. Administrativna taksa

Podnosilac Prijave na ovaj Zaključak, u skladu sa članom 2. Tarifni broj 108. tačka d) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

5. Pouka o pravnom lijeku

Protiv ovoga Zaključka nije dozvoljena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednica

mr. Arijana Regoda-Dražić